

**Teknikkalaš lávdegoddi****Áigi** 16.12.2019 dmu 11:30 - 13:26**Báiki** Gielddadállu, gielddaráđđehusa čoahkkinlatnja**Gieđahallon áššit**

<b>§</b>	<b>Bajilčála</b>	<b>Siidu</b>
76	Lágalašvuohta ja mearridanváldi	3
77	Beavdegirjji dárkkisteaddjiid válljen	4
78	Bargoortnega dohkkeheapmi	5
79	Áššit diehtun	6
80	Čorgejeaddji doaibma, Ohcejoga gielddadállu	7
81	Bázahusčáhcerávvejeaddji doaibma	8
82	Lassimearreruhtaohcamuš ortnetdárkkistemiide (PTS 10j)	10
83	Čilgehusa ja cealkámuša addin gieldaguoddaleapmi	11
84	Huksenlohpeohcamuš/ [REDACTED]	12
85	Spiehkastanlohpeohcamuš	13

**Oassálastit**

Báikkis	Namma	Dmu	Bargu	Lassedieđut
	Pohjanrinne Arto	11:30 - 13:26	Ságadoalli	
	Kosunen Markku	11:30 - 13:26	Várreságadoalli	
	Aikio Riitta	11:30 - 13:26	Lahttu	
	Konttinen Pirjo	11:30 - 13:05	Lahttu	
	Orti Irene	11:30 - 13:26	Lahttu	
	Guttorm Jouni Armas	11:30 - 13:26	Lahttu	
Eret	Tapiola Uula		Lahttu	
	Aurala Ahti		Várrelahttu	
	Laiti Eila		Várrelahttu	
	Niemi Seppo		Várrelahttu	
	Haapala Jorma		Várrelahttu	
	Guttorm Rauna		Várrelahttu	
	Olkkola Elmo		Várrelahttu	
	Manninen Terttu		Várrelahttu	
Eará	Tapiola Ilmari	11:30 - 12:38	Gielddaráđdehusa sd	
	Porsanger Markku	11:30 - 13:26	Áššemeannudeaddji	
	Keskitalo Heidi	11:30 - 13:26	Beavdegirjedoalli	
	Aikio Leena	11:30 - 13:26	Dulka	

**Vuolláičállosat**

Arto Pohjanrinne  
ságadoalli

Heidi Keskitalo  
beavdegirjedoalli

**Gieđahallon áššit**

76 - 85

**Beavdegirjji dárkkisteapmi**

16.12.2019

Riitta Aikio

Jouni Guttorm

**Beavdegirji lea dollojuvvon albmosis**

Gielddadállu 27.12.2019

Almmuhustávvala dikšu

Lágalašvuohta ja mearridanváldi

Teknlg 16.12.2019 § 76

Gávnnahuvo, ahte čoahkin lea lágalaččat čoahkkái bovdejuvvon ja mearridanválddálaš.

**Mearrádus:**

Gávnnahuvui ahte čoahkin lea lágalaččat čoahkkái bovdejuvvon ja mearridanválddálaš.

Beavdegirji dárkkisteaddjiid välljen

Teknlg 16.12.2019 § 77

Válljet čoahkkimii guokte (2) beavdegirjedárkkisteaddji.

**Mearrádus:**

Beavdegirjedárkkisteaddjin välljejuvuiga Jouni Guttorm ja Riitta Aikio.

Bargoortnega dohkkeheapmi

Teknlg 16.12.2019 § 78

**Evttohus:**

Teknikkalaš lávdegoddi dohkkeha áššiid gieđahallanortnega čoahkkima evttohuslisttu mielde.

**Mearrádus:**

Evttohus dohkkehuvvui. Lassin gieđahallo lasselisttá ášši. Bargoortnega oktavuodas čađahuvvojit daid olbmuid jearahallamat, geat leat ohcan bázahusčáhcerávvejeaddji doibmii.

## Áššit diehtun

Teknlg 16.12.2019 § 79

- Huksendárkkisteaddji mearráduusat
- Váld 18.11.2019 §44/ teknikkalaš lávdegotti ođđa várrelahtu nammadeapmi

**Evttohus:**

Merkejuvvo diehtun ožžojuvvon.

**Mearráduš:**

Merkejuvvui diehtun ožžojuvvon.

Teknikkalaš lávdegoddi	§ 67	21.10.2019
Teknikkalaš lávdegoddi	§ 80	16.12.2019

---

Čorgejeddji doaimma, Ohcejoga gielddadállo

60/01.01.01/2014

Teknlg 21.10.2019 § 67

Ohcejoga gielddadállo ollesáigásaš čorgejeddji doaimma leamašan ohcanláhka ovddit čorgejeddji eretcealkima ja ealáhahkii báhcima dihtii.

Mearreáiggi rádjai gv. doimii lea bohtán okta ohcamuš .

**Evttohus:**

Gielddadállo čorgejeddji doimii válljejuvvo [REDACTED].

**Mearráduš:**

Evttohus dohkkehuvvui.

Teknlg 16.12.2019 § 80

Teknikkalaš doaimmas leamašan ohcanláhka ollesáigásaš čorgejeddji doaimma. Mearreáiggi rádjai gv. doimii leat bohtán njeallje ohcamuša.

Daningo goappáge čorgejeddji doimii (Ohcejohnjálmmi skuvlla skuvlagoovddáš ja gielddadállo) maŋimus válljejuvvon olbmui ii leat sáhtán váldit doaimma vuostá, lea teknikkalaš doaimmas dál guovtti ollesáigásaš čorgejeddji váili

**Evttohus:**

Teknikkalaš lávdegoddi vállje čorgejeddji doimii [REDACTED] ja [REDACTED] nu, ahte [REDACTED] váldodoaimbáiki lea Ohcejoga Gielddadállo, gos son leage jo bargange ja [REDACTED] váldodoaimbasadji livččii Ohcejohnjálmmi skuvlagoovddáš.

**Mearráduš:**

Evttohus dohkkehuvvui.

Teknikkalaš lávdegoddi	§ 66	21.10.2019
Teknikkalaš lávdegoddi	§ 81	16.12.2019

---

Bázahusčáhcerávveaddji doaibma

77/09.01.01/2019

Teknlg 21.10.2019 § 66

Ohcejoga gielda lea ovttas Inarin Lapin Vesi Oy:in, Gárášjoga gielddain ja Deanu gielddain ohcan ja ožžon projektii ruhtadeami ja projeakta lea álgán 1.6.2019.

Projeakta lea ruhtaduvvon Interreg Pohjoinen; Rájá rasttildeaddji čáhce- ja bázahusčáhceovttasbargu Deanu čázádatviidodagas (Tana River II)

Ohcejoga gieldda bargun lea ordnet bázahusčáhcerávveama / stivrema ja registrerema dain bázahusčáhcevuogádagain, mat leat biedgguidássanguovlluin. Ohcejoga gieldda barggu ossodat álgá 1.1.2020 ja bistá 31.5.2022 rádjai.

Bázahusčáhcerávveaddji galgá hálldašit birassuodjalanlága (527/2014), 16 logus oaivvilduvvon teknikkalaš gáibádusaid ja bázahusčáhcevuogádagaide ásahuvvon doaibmangáibádusat. Bázahusčáhcerávveaddji galgá hálldašit vuogádagaid plánema vuodđojurdagiid. Rávveaddjis galgá leat vásáhus eanahuksemis, iešguđetlágan eanašlájaid hárrái ee. roavavuodá diagrámmaid birra. Bázahusčáhcerávveaddji berre leat sosiálalaš, rabas ja dáidu bargat ovttas olbmui. Sámegeilmáhttu lea sávahahtti.

#### **Evttohus:**

Ohcejoga gielda ráhkada bargobáikeohcamuša ja bidjá báikki rabasin nu, ahte doibmii válljejuvvon álggaha bargogaskavuodá 1.1.2020.

#### **Mearráduš:**

Evttohus dohkkehuvvui.

Teknlg 16.12.2019 § 81

Teknikkalaš doaibma lea ráhkadan bargosadjealmmuhusa. Doaibma leamašan ohcanláhkai 29.11.2019 rádjai. Mearreáiggi rádjai doibmii leat bohtán 10 ohcamuša.

Vd. giddodathoavda lea geahččan ohcamušaid ja válljen doibmii golbma heivvolamos olbmo jearahallama várás.

#### **Evttohus:**

Beavdegirjii dárkkisteaddjit:



Teknikkalaš lávdegoddi	§ 66	21.10.2019
Teknikkalaš lávdegoddi	§ 81	16.12.2019

---

Teknikkalaš lávdegoddi čađaha ohcciid jearahallama ja vällje doibmii heivvolaš olbmo jearahallama vuodul.

**Mearrádus:**

Teknikkalaš lávdegoddi jearahalai golbma olbmo. Skuvlejumi, bargohárjánumi ja jearahallamiid vuodul teknikkalaš lávdegoddi välljii doibmii [REDACTED], 1.várresadjái välljejuvvui [REDACTED] ja 2.várresadjái [REDACTED]

Ilmari Tapiola vulggii čoahkkimis dán paragráfa gieđahallama áigge dmu 12:38.

Dán paragráfa gieđahallama áigge jearahallamiid maŋhá čoahkkimis dollojuvvui boddu dmu 12:55 - 13:05.

Pirjo Konttinen vulggii čoahkkimis dán paragráfa gieđahallama áigge dmu 13:05.

Lassimearreruhtaohcamuš ornetdivvumiidda (PTS 10j)

130/10.03.02/2018

Teknlg 16.12.2019 § 82

Teknikkalaš doibmii lea mieđihuvvon investerenuhta giddodagaid ornetdivvumiid várás jahkásaččat 50.000 euro 10 jagi áigái.

Dán jagi investerenuhta lea geavahuvvon giddodagaid energiijačielggadusaide, Njuorggáma skuvlla ja beaveruovttu divvumiidda ja ordnemii sihke Gáregasnjárgga skuvlla sisáibmováttisvuodaid divvumiidda sihke dál mañimužžan Gáregasnjárgga beaveruovttu lv-mašiinna ođasmahttimii.

**Evttohus:**

Teknikkalaš lávdegoddi evttoha gielddaráđđehussii 20.000 euro lassimearreruđa giddodagaid ornetdivvumiidda (PTS 10j) jahkái 2019. Lassimearreruhta sirdojuvvo Investerenuhtasajis 2107 (Gáregasnjárgga lassieanaviidodaga oastin) 20 000 euro.

**Mearrádus:**

Evttohus dohkkehuvvui.

Čilgehusa ja cealkámuša addin gieldaguoddaleapmái

96/10.03.00/2019

Teknlg 16.12.2019 § 83

Lappi guovlluhálddahasvirgedoaimmahat lea sádden hálddahasguoddaleami Ohcejoga gielddaráđđehussii čilgehusa skáhppoma ja cealkámuša addima várás. Guoddaleamis lea jearaldagas ránnjá gullamis.

Guoddaleaddji mielde su eai leat gullan Ohcejoga skuvlaguovddáža huksenáššis.

Váidaga vuloš projeakta nuppiin sániiguin ođđa mánggadoaimmadálu huksen gullá Ohcejoga sajádatlávtaguvlui, mii lea fámus ja huksen láva mielásaš.

Ohcejoga teknikkalaš lávdegoddi lea gieđahallan plánendárbočovdosa Yo guovllu viiddideami ulbmilii heivvolažžan 14.6.2019 ja dat lea gulahuvvon nu mo gulahusat gielddas gulahuvvojit. Mearrádusas ii leat váidán giige. Ohcejoga huksenbearráigeahčču lea plánendárbočovdosa vuodul mieđihan huksenlobi projektii. Dahkkon mearrádusa hárrái eai leat guđđon fuomášahttimat.

#### **Huksendárkkisteaddji mearrádusevttohus:**

Ránnjain oaivilduvvo giddodat dahje eará viidodaga eaiggát dahje hálddašeaddji mii lea bálddas dahje buhtalagaid. Gažaldatvuloš guoddalusa dahkkis lea visti, láigoduktásajis, gieldda oamastan eanaviidodagas, Riikkageainnu 4 nuppe bealde.

Teknikkalaš lávdegoddi gávnna, ahte gv. huksenáššis lea meannuduvvon lágalaččat, iige eanaláigolaččaide geat leat riikkageainnu 4/75 nuppe bealde, leat dárbbasan sierra almmuhit sajádatláva mielásaš huksenprojeavtta álgimis (EhI/Mrl 133 §).

#### **Mearrádus:**

Huksendárkkisteaddji mearrádusevttohus dohkkehuvvui.

Huksenlohpeohcamuš/ [REDACTED]

Teknlg 16.12.2019 § 84

Ohcci ohcá huksenlobiid ođđa huksemii čuovvovaččat:

- Ássanvisti, geardeviidodat 130 m<sup>2</sup>
- Dállodoallovisti, geardeviidodat 38 m<sup>2</sup>

Huksensadji lea ohcci oamastan [REDACTED] -nammasaš eanasajis [REDACTED].

Dáidda huksenáigumušaide lea mieđihuvvon spiehkastatlohpe mearrádus gielddaráđđehusa čoahkkimis 13.2.2018 § 18.

**Huksendárkkisteaddji mearrádusevttohus:**

Mieđihuvvojit huksenlobit gažaldatvuloš huksenáigumušaide.

**Mearrádus:**

Huksendárkkisteaddji mearrádusevttohus dohkkehuvvui.

## Spiehkastanlohpeohcamuš

Teknlg 16.12.2019 § 85

Huksemii guoski spiehkastanmearrádus

Ohcci

Huksensadji

Ohcejohka,

Eanasadji:

Huksenprošeakta Fámus orru oppalašláva lávamearrádusa (RA) luopmoássanvistti geavahanulbmil nuppástuhttin ássanvistti huksenvuoigatvuohtan (AO).

Huksengiieldus dahje –ráddjehus

Eanageavahan- ja huksenlága 72 § 2 momeanta; huksen gáddeviidodagas, gos huksema ja eará anu plánen váldoáššis luopmoássan mii vuodđuduvvá gáddái, lea dárbblaš guovllus dáhpuhuvvi huksema geažil.

Dan lassin meara dahje čázádaga gáddeviidodahkii gullevaš gáddeavádahkii ii oaččo hukset visti almmá sajádatláva dahje dakkár riekteváikkuheadji oppalašláva haga, mas lea earenoamážit mearriduvvon oppalašláva dahje dan oasi geavaheamis huksenlobi mieđiheami vuodđun.

Cealkámušat ja gullamat

Ohcejoga teknikkalaš lávdegoddi 16.12.2019, 85 §

Ránnját:

Gullojuvvon ohcciid doaimmas

Ášši ovdanbuktin

Huksensadji lea čujuhusas

Guovlu gullá Deanu gáddeoasseoppalašlávaidda Gáregasnjárgga oassái, mii lea lágafámolaš. Vuodustussan dat, ahte láva ollašuvvan ja eanaoamasteaddjiid dássebeallásaš gieđahallan ii biddjo vára vuollái.

Eanageavahan- ja huksenlága 171 § mielde gielda sáhtta earenoamáš sivas ohcamuša vuodul mieđihit spiehkasteami das mii dán lágas lea mearriduvvon dahje dan vuodul addon huksemii dahje eará doaibmabidjui guoski njuolggadusas mearrádusas, gildosis dahje eará ráddjehusas.

Spiehkasteami ii goittotge oaččo mieđihit, jos dat:

- 1) dagaha hehttehusa lávabargui, láva ollašuhttimii dahje guovlluid geavaheami eará ordnemii;
- 2) váttásmahtta olahit luonddusuodjaleami mihttomeriid;
- 3) váttásmahtta olahit huksejuvvon birrasa suodjaleapmái guoski mihttomeriid; dahje
- 4) doalvu váikkuhusaid beales mearkkašahti huksemii dahje muđuid dagaha mearkkašahti vahátlaš biras- dahje eará váikkuhusaid.

Ovddabealde 2 momeantta 4 čuoggás dárkkuhuvvon váikkuhusaid beales mearkkašahti huksemin ii adnojuvvo bieggafápmorusttega ráhkadeapmi sajádatlávvas industriija- dahje hámmanguovlun čujuhuvvon jo huksejuvvon guvlui.

Spiehkasteami ii sáhte mieđihit oainnusbargolohpái guoski njuolggadusain iige 137 §:s mearriduvvon huksenlobi sierra eavttuin plánendárboguovllus.

Mearrádusa gieđahallan Teknikkalaš lávdegoddi.

### **Huksendárkkisteaddji mearrádusevttohus:**

Ohcejoga teknikkalaš lávdegoddi evttoha gielddaráđđehussii mieđihit spiehkastanlobi.

Dálloguovdasaš gáddehivvodaga geahčadeapmi sihke eanaomasteaddjiid dássebeallásaš gieđahallan leat áššit, mat váikkuhit mearrádussii.

Go váldojuvvo vuhtii gažaldatvuloš dálu ja vuodđodálu gátti mearri ja das dáhpáhuvvan huksen, de proševtta ollašuhttin ovddabealde máinnašuvvon eavttuiguin ii dagat hehttehusa lávabargui dahje guovlluid geavaheami eará ordnemii dahje váttásmahte luonddusuodjaleami ja huksejuvvon birrasa suodjaleapmái guoski ulbmiliid olaheami. Prošeakta ii maddái doalvvo váikkuhusaidis beales mearkkašahti huksemii iige muđuige dagat mearkkašahti vahátlaš biras dahje eará váikkuhusaid.

### **Teknikkalaš lávdegoddi mearrádus:**

Huksendárkkisteaddji mearrádusevttohus dohkkehuvvui.

Fámusorrun ja joatkkadoaimbajut.

Mearrádus 171 §:s oavvilduvvon spiehkastanáššis addojuvvo albmosii bidjama maŋŋá.

EHL/MRL 174 § mielde mearrádusa galgá doaimmahit ohccái. Mearrádus dahje dan kopijja doaimmahuvvo dasa lassin ásahusain mearrideami vuloš virgeoapmahaččaide ja daidda, geat leat dahkan muittuhusa áššis, sihke daidda, geat leat dan sierra bivdán.

Dan lassin gielda galgá doaimmahit spiehkastanmearrádusa diehtun guovllu EJB/ELY-guovddáži dalánaga mearrádusa addima maŋŋá.

Dát spiehkastanmearrádus lea fámus guokte (2) jagi mearrádusa addinbeavvi rájes. Ovdal huksendoaimmaide álgima galgá ásahuvvon ortnegis ohcat huksenlobi ja oažžut duođaštusa spiehkastanmearrádusa lágafámolašvuodas.

Spiehkastanmearrádussii merkejuvvon lágafámolašvuoda-duođaštusa oažžu 30 beavvi geažes mearrádusa addimis Davvi-Suoma hálddahasrievtti registrerendoaimmahagas, gosa mearrádusa galgá dađe várás doaimmahit.

Heivehuvvon riekerávvagat

Eanageavahan- ja huksenláhka 171§, 172§, 174§  
Eanageavahan- ja huksenásahus 87 §

#### NUPPÁSTUSOHCAN

Dán mearrádussii oažžu ohcat nuppástusa váidimiin Davvi-Suoma hálddahasriektái.

**Nuppástusohcangildosat**

<b>Gildosiid vuđđosat</b>	Čuovvovaš mearrádusain ii gielalága 136 §:a mielde oaččo dahkat gielaváidaga, dasgo mearrádus guoská dušše válmmaštallama dahje ollašuhhtima: Paragráfat: 76, 77, 78, 79, 82, 83, 85
	Daningo mearrádusas sáhtta dahkat gielalága 137 §:a 1 mom. mielde čálalaš vuigengáibádusa, de čuovvovaš mearrádusaide ii oaččo ohat nuppástusa váidimiin: Paragráfat 80, 81
	Hálddahušgearregastinlága (Hallintolainkäyttöl) 5 § / eará láhkaásahusa mielde čuovvovaš mearrádusaide ii oaččo ohat nuppástusa váidimiin. Paragráfat ja váidingildosiid vuđđosat

**Vuigengáibádusrávvagat**

<b>Vuigen- gáibádus- virge- oapmahaš ja váidin- áigi</b>	Čuovvovaš mearrádusaide duhtameahtun sáhtta dahkat čálalaš vuigengáibádusa. Virgeoapmahaš, masa vuigengáibádus dahkkojuvvo, čujuhus ja poastačujuhus:  <b>Utsjoen tekninen lautakunta</b> <b>PL 41</b> <b>99981 UTSJOKI</b>  Paragráfat 80, 81  Vuigengáibádusa galgá dahkat 14 beavve geažes mearrádusa diehtunoažžumis. Vuigengáibádusaiggi rehkenasttedettiin diehtunoažžunbeaivi ii váldojuvvo lohku. Gieldda lahttu gehččojuvvo ožžon mearrádusas dieđu čieža beavve geažes das, go beavdegirji lea biddjon oaidninláhkai almmolaš diehtofierpmádahkii.
	<b>Vuigen- gáibádusa sisdoallu</b>

**Váiddačujuhus**

<b>Váidda- virge- oapmahaš ja váidináigi</b>	Čuovvovaš mearrádusaide sáhtta ohat nuppástusa čálalaš váidagiin. Vuigengáibádusa geažil addojuvvon mearrádussii oazžu ohat nuppástusa gielaváidagiin dušše dat, gii lea dahkan vuigengáibádusa. Jos mearrádus lea vuigengáibádusa geažil rievdan, oazžu mearrádussii ohat nuppástusa gielaváidagiin maiddá áššáiosolaš sihke gieldda lahttu.	
	Váiddavirgeoapmahaš, čujuhus ja poastačujuhus  Pohjois-Suomen hallinto-oikeus Uksačujuhus: Isokatu 4, Oulu Poastačujuhus: PL 189 90101 OULU	
	Gieldaváidda, paragráfat 84	Váidináigi 30 beavve
	Hálddahušváidda, paragráfat	Váidináigi beavve
Eará váiddavirgeoapmahaš, čujuhus ja poastačujuhus	Paragráfa	Váidináigi beavve  beavve  beavve
Váidináigi álgá mearrádusa diehtunoažžumis. Váidináiggi rehkenasttedettiin diehtunoažžunbeaivi ii váldojuvvo lohku.		



Laktojuvvo beavdegirjái

<b>Váiddagirji</b>	<p>Váiddagirjii galgá almmuhit</p> <ul style="list-style-type: none"> <li>- váidi nama, poastačujuhusa, ruoktogieldda ja telefonnummira</li> <li>- mearrádusa, masa ohcá nuppástusa</li> <li>- main osiin mearrádusas váidá ja nuppástusa, man dasa gáibida dahkat</li> <li>- nuppástusgáibádusa ákkaid</li> </ul> <p>Váiddagirji galgá váidi dahje váiddagirji eará dahkki vuolláičállit. Jos dušše dahkki lea vuolláičállán váiddagirji, de das galgá máinnašit maidái dahkki nama, poastačujuhusa, ruoktogieldda ja telefonnummira.</p> <p>Váiddagirjái galgá laktit mearrádusa, mas váidá, álgoálgosažžan dahje virggi beales riektadin duođaštuvvon kopiijan sihke duođaštusa das man beavve mearrádus lea addojuvvon diehtun dahje eará čilgehusa váidináiggi álgináiggis.</p>
<b>Váidda-áššegirjiid doaimma-heapmi</b>	<p>Váiddaáššegirjiid galgá doaimmahit váiddavirgeoapmahažžii ovdal váidináiggi nohkama. Jos váidináiggi maŋimus beaivi lea bassebeaivi, iehčanasvuodabeaivi, válborebeaivi, juovla- dahje mihcamárruohtta dahje árgalávvardat, oažžu váiddaáššegirjiid doaimmahit váiddavirgeoapmahažžii vuosttas árgabeaivve dan maŋŋá. Iežas ovddasvástádusain váiddaáššegirjiid sáhtá sáddet poastta dahje áirasa mielde. Postii váiddaáššegirjiid berre guođđit dan mađi áiggil, ahte dat gerget boahit ovdal váidináiggi nohkama.</p> <p>Váiddaáššegirjiid sáhtá doaimmahit maid: namma, čujuhuse, poastačujuhuse      Paragrafat</p> <p>Váiddaáššegirjiid galgá doaimmahit 1): namma, čujuhuse, poastačujuhuse      Paragrafat</p>
<b>Lasse-dieđut</b>	<p><b>Dárkilis vuigengáibádusráva/váiddačujuhuse laktojuvvo beavdegirji váldosii.</b></p>

<sup>1)</sup> Jos doaimmahuvvo eará sadjái go váiddavirgeoapmahažžii.